

**42**

Na osnovu člana 7. tačka 6. Zakona o vanjskotrgovinskoj politici ("Službeni glasnik BiH", broj 7/98), Vijeće ministara Bosne i Hercegovine, na 3. sjednici održanoj 25. februara 1999. godine, donijelo je

**ODLUKU****O ZABRANI UVOZA ODREĐENIH PROIZVODA ŽIVOTINJSKOG PORIJEKLA U BOSNU I HERCEGOVINU****I**

Ovom odlukom zabranjuje se uvoz i tranzit određenih proizvoda životinjskog porijekla u Bosnu i Hercegovinu, radi spriječavanja ugrožavanja ljudskih života, zdravlja i okoline.

**II**

Zabrana uvoza i tranzita iz tačke I ove odluke odnosi se na: meso i proizvode od mesa, životinjske iznutrice, mlijeko i proizvode od mlijeka, ribe i riblje proizvode.

Zabrana iz prethodnog stava odnosi se na uvoz proizvoda utvrđenih ovom odlukom iz objekata za proizvodnju, preradu i rezervu tih proizvoda, koji nisu registrovani za izvoz tih proizvoda od strane nadležnog tijela Komisije Evropske unije.

**III**

Nadležni organi Federacije Bosne i Hercegovine i Republike Srpske nadležni su za provođenje i nadzor nad provođenjem ove odluke.

**IV**

Ova odluka stupa na snagu danom objavljivanja u "Službenom glasniku BiH", a objavit će se i u službenim glasilima entiteta.

VM broj 25/99

25. februara 1999. godine  
Sarajevo

Kopredsjednik  
dr **Haris Silajdžić**, s. r.      Kopredsjednik  
**Svetozar Mihajlović**, s. r.  
Dopredsjednik  
**Neven Tomić**, s. r.

**43**

Na osnovu čl. 16. i 20. Zakona o Vijeću ministara Bosne i Hercegovine i ministarstvima Bosne i Hercegovine ("Službeni glasnik BiH", broj 4/97), Vijeće ministara Bosne i Hercegovine, na 5. sjednici održanoj 22. aprila 1999. godine, donijelo je

**ODLUKU****I**

Ovlašćuje se Pravna služba Vijeća ministara Bosne i Hercegovine da može povodom zakazanih rasprava u imovinskim i drugim sporovima u kojima je Bosna i Hercegovina, odnosno Vijeće ministara Bosne i Hercegovine jedna od strana u postupku, vršiti odgode rasprava, odnosno ročišta, do formiranja odgovarajuće institucije koja će zastupati Bosnu i Hercegovinu pred sudovima i drugim organima.

Radnje iz prethodnog stava preduzimat će diplomirani pravnici zaposleni u Pravnoj službi Vijeća ministara Bosne i Hercegovine.

**II**

Ova odluka postaje pravosnažna danom potpisivanja.

**III**

Odluku objaviti u "Službenom glasniku BiH" i službenim glasilima entiteta.

VM broj 23/99

22. aprila 1999. godine  
Sarajevo

Kopredsjednik  
dr **Haris Silajdžić**, s. r.      Kopredsjednik  
**Svetozar Mihajlović**, s. r.  
Dopredsjednik  
**Neven Tomić**, s. r.

**44**

Provodeći Ustavom i Zakonom utvrđenu politiku, a imajući u vidu odredbe člana 6. Zakona o vanjskotrgovinskoj politici ("Službeni glasnik BiH", broj 1/97) kojima je utvrđeno da će se uvoz i izvoz roba vršiti pod istim uslovima na cijelom teritoriju Bosne i Hercegovine, kao i odredbe člana 1. Zakona o carinskoj tarifi Bosne i Hercegovine ("Službeni glasnik BiH", broj 1/98) kojima je utvrđeno da će se carinske dadžbine plaćati za sve robe koje se uvoze na carinsku teritoriju Bosne i Hercegovine i da će carinske stope biti iste za Federaciju Bosne i Hercegovine i Republiku Srpsku, Vijeće ministara Bosne i Hercegovine, na osnovu odredbi člana 16. Zakona o Vijeću ministara Bosne i Hercegovine i ministarstvima Bosne i Hercegovine ("Službeni glasnik BiH", broj 4/97), a u skladu sa Odlukom Predsjedništva Bosne i Hercegovine broj 014-02-173/99 - BL od 20. aprila 1999. godine o neprimjenjivanju Sporazuma o ekonomskoj saradnji između Republike Hrvatske i Republike Bosne i Hercegovine i Federacije Bosne i Hercegovine do Odluke Ustavnog suda, kao i u skladu sa Uredbom Vlade Republike Srpske o prestanku Protokola o trgovini roba i usluga sa Saveznom Republikom Jugoslavijom od 05. februara 1999. godine, na sjednici održanoj 22. aprila 1999. godine, donijelo je

**Z A K L J U Č A K****O USKLADIVANJU PREFERENCIJALNIH CARINSKIH TRETMANA SUSJEDNIH ZEMALJA SA ZAKONOM O VANJSKOTRGOVINSKOJ POLITICI BOSNE I HERCEGOVINE, ZAKONOM O CARINSKOJ POLITICI BOSNE I HERCEGOVINE I ZAKONOM O CARINSKOJ TARIFI BOSNE I HERCEGOVINE****I**

Federacija Bosne i Hercegovine i Republika Srpska (u daljem tekstu: Entiteti), počev od 15. maja 1999. godine prestaju s primjenom preferencijalnih carinskih tretmana na uvoz iz Republike Hrvatske i Savezne Republike Jugoslavije.

Entiteti su dužni u roku iz prethodnog paragrafa početi s primjenom Zakona o vanjskotrgovinskoj politici Bosne i Hercegovine, Zakona o carinskoj politici Bosne i Hercegovine i